

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
S A R A J E V O
Ul. Aleja Bosne Srebrene br. 7., Sarajevo

UPRAVNI ODBOR

Na osnovu člana 29.stav 1. i 2. Zakona o ustanovama („Službeni list RBiH“ broj: 6/92, 8/93 i 13/94), člana 113. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“ broj 38/14-Prečišćeni tekst, 38/16, 44/17, 28/18, 52/21, 40/22 i 13/25), Pravilnika o vrsti stručne spremlje i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo“, broj: 49/18 i 22/19), člana 33. Pravila Kantonalne javne ustanove „Gerontološki centar“, broj: 07-1070/13 od 26.11.2013. godine, broj: 13-999/19 od 15.07.2019. godine i broj: 16-1739/22 od 05.12.2022.godine, Odluke Upravnog odbora, broj: 19-01-3264/25 od 19.09.2025.godine i Saglasnosti Ministarstva za rad, socijalnu politiku, raseljena lica i izbjeglice Kantona Sarajevo, broj: 13-05/2-04-46858-1/25 od 25.09.2025.godine, Upravni odbor Kantonalne javne ustanove „Gerontološki centar“ Sarajevo, o b j a v l j u j e

K O N K U R S

za izbor i imenovanje DIREKTORA Kantonalne javne ustanove „Gerontološki centar“ Sarajevo

Objavljuje se konkurs za izbor i imenovanje direktora Kantonalne javne ustanove „Gerontološki centar“ Sarajevo (u daljem tekstu: Gerontološki centar).

I. OPIS POZICIJE

Direktor Gerontološkog centra u skladu sa Zakonom o ustanovama i Pravilima Gerontološkog centra organizuje i rukovodi radom Gerontološkog centra, vodi poslovanje Gerontološkog centra, samostalno donosi odluke iz svoje nadležnosti, zastupa i predstavlja Gerontološki centar i odgovoran je za rezultate rada Gerontološkog centra.

U ostvarivanju prava i obaveza u rukovođenju Gerontološkim centrom direktor:

- a) organizuje i rukovodi radom Gerontološkog centra,
- b) zastupa i predstavlja Gerontološki centar i u njegovo ime zaključuje ugovore u zemlji i inostranstvu,
- c) poduzima sve pravne radnje u ime i za račun Gerontološkog centra,
- d) zastupa Gerontološki centar u svim postupcima pred sudovima, upravnim i drugim državnim organima, te pravnim osobama sa posebnim ovlaštenjima u zemlji i inostranstvu,
- e) vodi poslovanje Gerontološkog centra i samostalno donosi poslovne odluke,
- f) predlaže osnove poslovne politike, programa rada i razvoja i preduzima mjere za njihovo provođenje,
- g) podnosi pismene izvještaje Upravnom odboru o radu i finansijskom poslovanju Gerontološkog centra, a najmanje jednom godišnje,
- h) provodi i organizuje provođenje odluka Upravnog odbora,
- i) predlaže Upravnom odboru donošenje, odnosno izmjenu ili dopunu Pravila i ostalih opštih i drugih akata Gerontološkog centra,
- j) predlaže unutrašnju organizaciju Gerontološkog centra,
- k) donosi određene akte Gerontološkog centra,
- l) imenuje i razrješava šefove službi,
- m) zaključuje ugovore o radu i odlučuje o prestanku ugovora o radu, te pravima, obavezama i odgovornostima zaposlenika iz radnog odnosa, u skladu sa zakonom i drugim opštima aktima Gerontološkog centra,
- n) preduzima mjere u oblasti obezbjeđenja i sigurnosti, zaštite na radu, zaštite i unaprijeđenja životne okoline u skladu sa zakonom i drugim opštima aktima Gerontološkog centra,
- o) odobrava službena putovanja,
- p) formira stručni organ i komisije kao pomoć u izvršavanju poslova i zadataka Gerontološkog centra,

- q) učestvuje u radu Upravnog odbora bez prava glasa,
- r) obezbjeđuje zakonitost rada i poslovanja Gerontološkog centra,
- s) obavlja i druge poslove utvrđene zakonom, ovim Pravilima i drugim aktima Gerontološkog centra.

II. MANDAT

Mandat direktora je 4 (četiri) godine od stupanja na snagu odluke o davanju saglasnosti Vlade Kantona Sarajevo na odluku Upravnog odbora o imenovanju direktora Gerontološkog centra i može biti imenovan na još samo jedan mandat.

III. USLOVI KOJE TREBA DA ISPUNJAVA KANDIDAT

Za direktora Gerontološkog centra može se imenovati lice koje ispunjava sljedeće **opšte uslove**:

- a) da je državljanin Bosne i Hercegovine,
- b) da je stariji od 18 godina,
- c) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje četiri studijske godine sa akademskom titulom i stručnim zvanjem Bakalaureat/Bachelor (240 ECTS bodova),
- d) da ima najmanje pet godina radnog staža, od kojih najmanje tri godine na rukovodećim poslovima,
- e) da nije predsjednik i član upravnog odbora i predsjednik i član nadzornog odbora bilo koje ustanove nezavisno od oblasti za koju je ustanova osnovana a koja djeluje u Bosni i Hercegovini,
- f) da ima opštu zdravstvenu sposobnost za obavljanje poslova direktora Gerontološkog centra,
- g) da nije osuđivan za krivično djelo koje je nespojivo sa obavljanjem dužnosti direktora Gerontološkog centra,
- h) da nije osuđivan za prekršaj koji je nespojiv sa obavljanjem dužnosti direktora Gerontološkog centra.

Posebni uslovi:

- da ima stručnu spremu iz oblasti društvenih nauka.

IV. DOKAZI O ISPUNJAVANJU USLOVA KONKURSA

Uz prijavu na konkurs za izbor i imenovanje direktora Gerontološkog centra prilažu se sljedeći dokazi o ispunjavanju uslova konkursa (original ili ovjerena kopija):

- a) Uvjerenje o državljanstvu (ne starije od šest mjeseci),
- b) Izvod iz matične knjige rođenih (ne stariji od šest mjeseci, osim ako se radi o dokumentu koji je trajnog karaktera),
- c) Diploma o stečenom visokom obrazovanju,
- d) Uvjerenje/potvrda o radnom stažu iz koje/g je vidljivo da kandidat ima najmanje pet godina radnog staža od čega najmanje tri godine na rukovodećim poslovima,
- e) Izjava ovjerena kod nadležnog organa da kandidat nije predsjednik i član upravnog odbora i predsjednik i član nadzornog odbora bilo koje ustanove nezavisno od oblasti za koju je ustanova osnovana a koja djeluje u Bosni i Hercegovini.

Ukoliko je kandidat predsjednik i član upravnog odbora i predsjednik i član nadzornog odbora bilo koje ustanove nezavisno od oblasti za koju je ustanova osnovana, priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa pozicije predsjednika i člana upravnog odbora i predsjednika i člana nadzornog odbora.

V. ROK ZA PODNOŠENJE PRIJAVA NA KONKURS I OSTALE INFORMACIJE

Rok za podnošenje prijava na konkurs za izbor i imenovanje direktora Gerontološkog centra je 8 (osam) dana od dana objavljivanja konkursa u dnevnom listu „Oslobođenje“.

Konkurs će biti objavljen i na web stranici Gerontološkog centra.

Prijava na konkurs, koja sadrži **kraću biografiju, adresu i kontakt telefon, sa potrebnim dokazima**, se dostavlja Upravnom odboru Gerontološkog centra u zapečaćenoj koverti, sa naznakom: „**Prijava na konkurs za izbor i imenovanje direktora Kantonalne javne ustanove „Gerontološki centar“ Sarajevo – NE OTVARAJ**“, i to neposredno na protokol Gerontološkog centra ili putem pošte na adresu: Kantonalna javna ustanova „Gerontološki centar“ Sarajevo - Upravni odbor, ul. Aleja Bosne srebrene broj 7., Sarajevo.

Nepotpune i neblagovremene prijave neće biti razmatrane.

VI. OBAVLJANJE INTERVJUA

Nakon utvrđivanja liste kandidata koji ispunjavaju uslove konkursa, Upravni odbor utvrđuje mjesto i vrijeme obavljanja intervjua i o tome kandidatima sa liste dostavlja pisanu obavijest.

Upravni odbor će sa svakim kandidatom posebno obaviti intervju koji se odnosi na teme iz oblasti socijalne zaštite. Upravni odbor obavlja intervju i utvrđuje rang listu kandidata u skladu sa odredbama važećeg Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite u Kantonu Sarajevo.

Nakon utvrđivanja rang liste kandidata, kandidat koji se nalazi na prvom mjestu rang liste, naknadno, u roku od 7 (sedam) dana od dana prijema zahtjeva Upravnog odbora za dostavljanje dokaza, Upravnom odboru obavezno dostavlja:

- a) ljekarsko uvjerenje nadležne zdravstvene ustanove koje nije starije od šest mjeseci,
- b) uvjerenje o neosuđivanosti za krivično djelo koje je nespojivo sa obavljanjem dužnosti direktora Gerontološkog centra,
- c) uvjerenje o neosuđivanosti za prekršaj koji je nespojiv sa obavljanjen dužnosti direktora Gerontološkog centra.

VII. OBAVJEŠTAVANJE O REZULTATIMA KONKURSA

O odluci o imenovanju direktora Gerontološkog centra obavještavaju se svi učesnici u konkursu najkasnije u roku od 8 (osam) dana od dana donošenja odluke.

PREDSJEDNIK
UPRAVNOG ODBORA

Zlatan Velić